



Kev nthuav xov txog tus kabmob COVID-19 rau cov neeg txawv tebchaws uas muaj daim ntawv Visa tuaj nyob ib ntus hauv Australia

Tshaj tawm rau hnuv tim 4 /4/2020

Tseemfww Australian tau tshaj tawm tuaj qhia rau cov neeg txawv tebchaws uas muaj daim ntawv Visa kom paub txog lawv txojkev pauv tshiab. Lub homphiaj ntawm txojkev pauv tshiab no ces yog npaj tiv-thaiv peb cov pejxeem kom tsis txhob raug mob, muaj haujlwm rau cov neeg Australia ua, muaj kev txhawb pab zoo rau cov tsev lag-luam industries thiab txhawb pab tomqab thaum tus kabmob khaub-thuas no tau dhau lawm.

Cov neeg txawv tebchaws uas muaj daim ntawv Visa nkag tuaj Australia, yuavtsum tau ua rawsli tseemfww cov lus tshaj tawm txog txojkev tiv-thaiv tus kabmob COVID-19 rau tsoom pejxeem.

Cov neeg muaj daim ntawv visa tuaj ua haujlwm (Working Holiday Makers)

Txojkev pauv tshiab rau cov neeg muaj daim ntawv visa tuaj ua haujlwm (Working Holiday Maker visa) yog yuav muab kev txawb pab rau cov neeg hom no yog lawv tuaj ua haujlwm nyob rau phab kev kho mob, phab kev saib-zov neeg laus thiab neeg xiam-oob-khab, phab kev ua liaj ua teb thiab phab kev ua khoom noj food processing thiab phab kev zov menyuum:

- Yog hais tias koj muaj daim ntawv visa tuaj ua haujlwm nyob rau cov phab kev ua haujlwm tseemceeb li tau hais tag no, koj yuav muaj cai ua haujlwm tau ntev tshaj 6 lub hlis nrog ib tug tswv-ntiav. Tshooj ntxiv no koj tseem muaj cai ua haujlwm tau mus ntxiv txawm hais tias koj daim ntawv visa ua haujlwm twb yuav tag rau 6 lub hlis tom ntej no lawm.

Yog koj muaj daim ntawv visa tuaj ua haujlwm, tabsis tamsis no koj tsis muaj haujlwm ua lawm , ces koj yuavtsum tau nrhiav kev rovqab mus tsev.

Cov neeg tuaj ua cov haujlwm rawsli lub caij qoob-loo - Seasonal Workers

Cov neeg tuaj ua cov haujlwm rawsli lub caij qoob-loo -Seasonal Worker Program thiab Pacific Labour scheme muaj cai thov nyob tau ntxiv pab ua liaj ua teb (agriculture sector) rau hauv Australia.

Yog hais tias koj tuaj ua cov haujlwm rawsli lub caij qoob-loo (Seasonal Worker Programme), koj muaj cai mus thov daim ntawv visa – subclass 408 nyob ntxiv - Australian Government Endorsed Event (AGEE). Ho cov neeg tuaj ua haujlwm rawsli tus kevcai Pacific Labour Scheme workers, ces nws muaj cai mus thov daim visa nyob ntxiv - Temporary Work (International Relations) (daim visa subclass 403) Pacific Labour scheme.

Daim ntawv Visa tuaj ncig tebchaws (Visitor Visa Holders)

Yog hais tias koj muaj daim ntawv visa tuaj ncig tebchaws thiab tamsis no koj tsis muaj nyiaj siv pab koj tus kheej lawm, thov kom koj rovqab mus tsev yog hais tias koj rovqab mus tau.

Cov menyuum kawm ntawv txawv tebchaws (International students)

Cov menyuum txawv tebchaws uas tuaj kawm ntawv nyob rau Australia yuav tau siv nws cov nyiaj qab-nas pab nws tus kheej losyog hais kom lawv tsev neeg xa nyiaj tuaj pab, losyog nrhiav haujlwm part-time ua me-ntsis. Muaj qho tus menyuum kawm ntawv tejzaum lawv yuav muaj cai mus rho tau lawv cov nyiaj laus Australian superannuation tawm los siv thiab.

Tseemfww mam txo tus kevcai hauv daim ntawv thov visa kom nyob tau haum rawsli cov kevcai tswj kev ua ntawv visa tuaj kawm ntawv rau lub caij muaj tus kabmob Coronavirus no.

Daim ntawv visa tuaj ua haujlwm ib ntus rau cov kws txawj haujlwm (Temporary Skilled visa holders)

Yog hais tias koj muaj daim ntawv tuaj ua haujlwm Temporary Skill Shortage visa, thiab raug hais kom mus so tabsis tseem tsis tau raug laib tawm, koj muaj cai khaws daim visa tseg thiab koj lub lag-luam muaj cai mus toj visa nyob ntxiv rawsli txojkev thov visa. Tseemfwv tseem tsocai rau koj muaj cai mus rho tau koj cov nyiaj laus txog li \$10,000 coj los siv txhawb pab koj tus kheej.

Koj lub lag-luam los muaj cai txiav cov caij ua haujlwm kom luv zog tuaj thiab koj losyog koj cov neeg ua haujlwm yuav tsis raug lub txim dabtsi txawm tias yuav ua txhaum tus kevcai visa lawm.

Yog hais tias koj raug laib tawm losyog poob haujlwm lawm, koj yuav tau mus nrhiav haujlwm ua nyob rau hauv lub caij 60 hnuv losyog nrhiav kev rovqab mus tsev.

Nws muaj cov ntaub ntawv sau qhia txog txojkev tuaj poob rau hauv tebchaws nyob rau ntawm tseemfwv Department's website: <https://covid19.homeaffairs.gov.au/>